



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab anno Christi 1682. usque ad annum 1690

Fleury, Claude

August. Vind. [u.a.], 1781

VD18 90119231

§. 90. Falsi Catholicorum accusatores suppliciis affecti.

[urn:nbn:de:hbz:466:1-67608](https://nbn-resolving.org/urn:nbn:de:hbz:466:1-67608)

Sæc. XVII. severitate in reos inscio Rege, usi cre-
A. C. 1685. derentur.

§. XC.

*Falsi Catholicorum accusatores sup-
pliciis affecti.*

*Rapin. Thoi- Postquam Jacobus Angliæ Rex præci-
ras Hist. puis rebellionis Antesignanis e me-
d' Angl. l. 24. dio sublati Regni tranquillitatem redu-
Abrege xerat, primas eo curas intendit, ut Ca-
chronolog. tholicis quoque libertatem redderet.
t. 13. p. 647. Hunc in finem Richardo Talbato Comiti
Hode Hist. negotium dedit, ut plures belli Præfe-
de Louis ctos intentatæ conjurationis reos in Hi-
XIV. l. 43. bernia a signis dimitteret, eisque Ca-
pag. 523. tholicos subrogaret: necnon Protestan-
tes armis, quibus in Monmuthi rebel-
lione contra Regem abusi essent, exue-
ret: ipse vero Rex in Anglia exerci-
tum triginta millibus validum alere con-
stituit, atque juramentum, quo Catho-
lici a publicis, bellicisque officiis exclu-
debantur, ceterasque leges pœnales in
eos sancitas remisit, insuper frequenter
cum Sacerdotibus Catholicis versatus,
crebras ad Papam literas dedit, & Je-
suitis Palatium, ut ibi Collegium eri-
gerent, Londini cessit, ejusque Socie-
tatis, Angli tantopere exosæ, Viro no-
mine Petreo, quem a confessionibus ha-
buit, haud infimum in Senatu locum
asse-*

affert, missoque Romam Oratore pro Sæc. XVII.
 hoc Jesuita Archiepiscopatum Eboracensem simulque Romanam Purpuram A. C. 1685.
 sollicitavit. Denique cunctos suos sub-
 ditos sensim ad Catholicæ fidei profes-
 sionem saltem externam reducere sta-
 tuit: Arguebatur tamen, quod non ea
 usus sit circumspectione, quam tanti
 operis gravitas deposceret; res enim
 ipsi erat cum Anglis, qui Regem suum
 e folio deturbare assueti erant, quam-
 primum ab eo conscientia libertatem,
 sibi adimi cernerent, aut suspicarentur:
 prævalebant etiam tam numero, quam
 potentia & protervia Protestantes in An-
 glia & Scotia: Jacobum quoque Regem
 ab aperta & tam præfestina hujus pro-
 positi executione abstertere, debuissent
 funesta exempla Eduardi II. & Richar-
 di II. ac præcipue Caroli I. Patris sui,
 cujus vitam, & honorem in ferali peg-
 mate Protestantes fanatico sectæ liber-
 tatisque Zelo unice ideo immolabant,
 quia nonnisi suspensionem introducendæ
 Religionis de eo habebant, aut habere
 simulabant: Fertur quoque, Carolum II.
 morbi proximum admonuisse Fratrem
 suum Jacobum, ne præcipiti fervore sta-
 bilitatem in Regno religionem immutare
 vellet, eo quod rem periculis plenam,
 & executione difficillimam aggredere-
 tur: Petrus etiam Ronquillus Hispaniæ
 Ora-

Sæc. XVII. Orator Jacobo suggererat, ne Sacerdotes Catholicos tanto numero ad Aulam accerferet, eoquod eum absdubio nimix hujus confidentiæ poenitentia, ferat licet, subitura sit: quinimo ipsemet Innocentius XI. Papa in literis ad Jacobum Regem datis eum hortabatur, ut suum propagandæ Religionis studium moderaretur, ne fidei incrementum, propriamque gloriâ intempestive promovendo, suis, ac Ecclesiæ rebus extremum inferret exitium: Verum nec Pontificis monita, nec Prædecessorum exempla nec prævisa vitæ honorisque pericula ejus ardorem temperare poterant. Eodem hoc Zelo animatus, in eos, qui conficta conjuratione ante octennium Catholicos inhumanæ laniationæ impune exposuerant, inquiri iussit. Præprimis igitur Titus Oates bipedum nequissimus, qui quamplurimos non modo Catholicos, sed & Protestantes falsa sua accusatione e medio sustulit, perjurii, perduellionis, fraudis, aliorumque scelerum reus plusquam sexaginta etiam Protestantium testimonio, postulabatur, quapropter Judicium sententia præter multam pecuniariam sæpius ad infamem palum deligatus, populi ludibrio exponebatur, ac bis per urbis vicos & compita a carnifice virgis cæsus, perpetuo addicebatur carceri.

ceri, adjecta etiam pœna, ut quotan- Sæc. XVII.
 pis die vigesima quarta Aprilis & nona A. C. 1685.
 Augusti rursus pali infamiam sustineret.
 Eadem probrosa pœna correptus est
 Thomas Dangerfield, & Pranceus Au-
 rifaber, qui Godefroyum Judicem a Ca-
 tholicis fuisse occisum, falso deposue-
 rat, crimen tamen suum fassus erat,
 pluresque alii, qui variis suppliciis sce-
 lerum suorum atrocitatem eluerunt. E
 contrario Rex ex Parlamenti sententia
 quinque illos Proceres, qui de conjura-
 tione falso accusati tamdiu capti in Lon-
 dinensi turri contabuere, libertati, pri-
 stinisque honoribus restituit, necnon
 Staffordiæ Comitem, qui ante quinquen-
 nium ob perduellionis crimen inique im-
 putatum capite plectebatur, innocen-
 tem fuisse, declarari jussit. Insuper an-
 nuente plebæi Ordinis Senatu cunctos
 belli Præfectos religione Catholicos a
 pœnis antea in eos statutis exemit, eos-
 que ad merenda belli stipendia habiles
 declaravit, quin juramentum, quod
 Puritani contra Catholicos excogitave-
 rant, præstare tenerentur. Verum ex
 hac ipsa indulgentia, ac Religionis Ca-
 tholicæ studio Jacobus Rex sibi Purita-
 norum invidiam, gravissimas calami-
 tates, suæque dignitatis, honorisque
 jacturam accersivit, prout postea me-
 morabimus.